

Egву Sólomõnu

¹ Egву, kakõta mma l'iphe бu egву. O бu egву Sólomõnu.

Kẹ nwanyi asu:

- ² Nggube nwoke ono;
nmanuа mu akpa;
nggu etsuta mu õnu;
kele n-yemobu ngu
kakwa mee õtso ẹna.
- ³ Mkpõ, manu, i jiru
l'atsõ ẹna nshinu.
Epha ngu l'eshi mkpõ
l'õ бu manu senti,
a wufuru awufu.
O бu iya meru iphe
unwu-mgboko yeru ngu obu.
- ⁴ Duta mu; t'ayi tugbu-kebe!
T'eze dubata mu l'òbù iya;
ẹke ayi a-nõdu t'ẹhu tsõ ayi ẹna;
ayi etee ẹswa l'ẹke i nõ;
jaa n-yemobu ngu karia
ẹge aajaje mee.
O gbaruphu t'unwu-mgboko
yeru ngu obu!
- ⁵ Unube unwanyi Jerúsalemu!
A makwaru-a le mu eji uji;
obekwanu le mu ama mma;
le mu jiru jita l'õ бu
ulo-ekwà ndu Kéda;
obenu le mu amakwanu

l'ò bụ ẹkwa, e geru l'ụlo Sólomõnu.

⁶ Unu be elekwa mu phoriphori;
okfu l'anwụ chiru mu;
mu ejikputa ejikputa!
L'ò kwa unwunne mu;
ndu k'unwoke;
be ẹhu ghuru eghughu l'ẹke mu nọ.
Ephe enwuru mu yee;
te mu letaje mgbo vayinu.
To nwe teke ụzo,
dụjeru mu k'oleta onwomu ẹnya.

⁷ Nggube nwoke ono;
kanuru mu ẹke
iicheje aturu ngu;
me ẹke ephe atutaje ume l'eswe;
k'ophu mu ta awatadu ogha-phe l'ò bụ
nwanyi okpara l'odu-aturu ndu odo.

Kẹ nwoke asu:

⁸ O -buru l'e ti madu ẹke obu; nwanyi-mbeke;
bukwa ti tugbua tsochita
owere aturu ono
je echee unwu egbu ngu
l'iku ụlo unwu-eswi ndu ono, eche aturu
ono.

⁹ Iphe mu atụ ngu eyeru; nwanyi-mbeke;
bụ ada-inya, akpuje ugbo-inya Fero.

¹⁰ Iphe-nchi ngu meru
ishi-nchi ngu; yọ du ụgvù.
Iyagba, i doru l'olu kweru ngu ekwekwe.

¹¹ Ayi e-metaru ngu iyagba
mkpola-ododo,
a kpupyabetsuaru
mkpola-ocha.

Kẹ nwanyi asu:

- 12 Teke eze shi dugaru l'oshi iya;
 be mkpo manu nadi mu ngashiru angashi.
- 13 Nwoke ono du mu l'o bu
 ekpa meeru, eshi mkpo,
 mu tu-koberu le mkpaku era.
- 14 Nwoke ono dukwa mu
 l'o bu ofoko igu oshi Hena,
 eshije kwekwekwe,
 shi le mgbabu ndu Enu-Gedi.

Kẹ nwoke asu:

- 15 I du ugvu; nwanyi mbeke!
 Iye! I du ugvu! Enya ngu du l'o bu ke ndo.

Kẹ nwanyi asu:

- 16 Lewaru ege i du ugvu;
 nggube nwoke ono!
 Iye! I du k'ekfukfu!
 Eke ayi azeje aze du gekfungu.

Kẹ nwoke asu:

- 17 Osweru, ayi gude kpoo uko ayi bu oshi sida.
 Oshi, ayi gude sweshia ya
 esweshi bu oshi payinu.

2

- 1 Mu du l'o bu igu oshi,
 nwuru kfu le nsuda Sharõnu;
 mbu l'o bu okfukfulike,
 notsua le nsuda ogvu.
- 2 O bu ege ono, oobuje
 okfukfulike yele ogvu nonyabe;
 yo kakota ogvu mma ono;

bụ ẹge onye ono, nọ mu
l'obu ono akakọtaje
mma l'ẹke ụnwu-mgbọko ọdo nọ.

Kẹ nwanyi asu:

- ³ Ọ bụ ẹge ono, oshi-ọmi lanu
akangoje iphe bụ oshi, nọ l'ọswa ono
bụ ẹge nwoke ono
amị-ngoje ụnwu-okorọbya ọdo.
Ọduje mu mma tẹ mu
nọdu l'agu iya;
yeru l'akpuru iya anọduje atso mu ẹna.
- ⁴ Ọ dutaru mu jeshia l'ẹke aagba aji.
Ekwá-ọhubama, o yeru mu aburu n-
yemobu.
- ⁵ Gude akpuru vayinu,
a mịru amimi mee tẹ ike du mu.
Nggу egude udara mee
tẹ mu shihu ike;
kẹ l'obu ngu dushi mu ike.
- ⁶ Eka-ibyita iya b'o yeru mu l'ishi;
bya egude eka-utara iya rukota mu.
- ⁷ Unubẹ ụnwanyi Jerúsalemu;
unu kwee mu ukwa
l'unu ta akpatsudu
n-yemobu jeye teke ọo-bya;
kẹle n-yemobu bẹ bukwa
ẹge eedo umoro;
mẹ mgbada bẹ eedo iya.
- ⁸ Ngabeduduphu!
Ọ kwa olu nwoke ono;
bẹ mu anu ẹge ono!
Lenu! Oogude nwoso;
swewa eze ugву ugву;

- mẹ ụnwu ugву ugву l'agbakfuta mu.
 9 Nwoke ono dukwa l'ọ bu
 umoro; mbụ l'ọ bu nwele.
 Oovudokwa l'azu oshi-ẹpoto ayi;
 pyofu ẹnya ẹ windo l'enyo sworingu.
 10 Nwoke ono sukwaru mu:
 “Tẹ mu gbeshi mube onye no iya l'obu;
 tẹ mube onye ẹgiri iya; tsoru iya!
 11 Kele oge winta sweekwaru;
 mini achi-buhuwa.
 12 Oshi atsukwa igu ẹ mgboko.
 Oge egву ruakwaru;
 kparakobe arakwaa.
 13 Oshi figu wataakwaru amimi.
 Mkpọ igu oshi vayinu
 emee ẹkemeke ọbule;
 yo shi kwẹkwẹkwe.
 Gbeshi; nggube onye mu yeru obu!
 Ọnya mu; gbeshi t'ayi je!”

Ke nwoke asu:

- 14 Nggube nwa ndo mu, no ẹ
 mgbaku ikelegву mkpuma;
 domia onwungu l'ogву eli ugву;
 Byiko menua tẹ mu phu ngu ifu;
 kfururu okfu yeru mu;
 ke l'okfu ngu atsoje mu ẹna;
 atatifu ngu l'ama ntumatu.
 15 Nwukooru ayi uphegu ono;
 mbụ ụnwu uphegu ono;
 emebyishi vayinu ono;
 kele vayinu ayi atsukwa igu.

Ke nwanyi asu:

- 16 Nwoke ono bu nke mu;
 mbedua aburu nk'iya;
 mbu onye ono,
 eche aturu iya l'eke
 okfukfulike tsuru etsuru ono;
- 17 gbururu jeye le gberegbede urenyashi
 teke nwonyonyo ta nohedu.
 Nngube nwoke ono; byiko;
 kfukwaa bugengu-bugengu lakfuta mu
 ege ono, umoro; me ele
 akfuje l'ugvu, du
 nkwoḡodo-nkwoḡodo ono.

3

- 1 Enyashi ophu;
 be mu azeje l'oshi-aze mu;
 ngaberu onye mu yeru obu.
 Mu achoo ya nta;
 choo ya imo; mu ta phu iya.
- 2 Nta-a be mu e-gbeshi tuko
 mkpukpu le mkpukpu;
 me l'edukfu l'edukfu jephekota;
 choo onye ono, mu yeru obu ono.
 Mu atuko eke ono too;
 choo ya; mu ta phu iya.
- 3 Mu le ndu nche enyashi
 edzuda l'eke ephe etsophe oma-mkpukpu.
 Mu aji ephe:
 "Unu phu-swetaru mu
 onye ono, mu yeru obu?"
- 4 Mu eswetatsulephu ephe;
 owaa buwa onye ono,
 mu yeru obu ono.

Mu azu iya gbirimu; swechia ya.
 Mu t'ekwe haa ya t'ọ tугbua.
 Mu akpuа ya jeye teke mu
 kpurutaru iya ọlo nne mu,
 bu iya bu ọlo nwanyi,
 muru mu nu gẹdegede.

⁵ Unube unwanyi Jerúsalemu;
 unu kwee mu ukwa
 l'unu ta akpatsudu
 n-yemobu rua teke ọo-bya l'onwiya;
 kele n-yemobu bukwa
 ege eedoje umoro;
 me ele-a be eedoje iya.

⁶ ?Bu onye du ege ono, shi l'echi-egu,
 du l'ọ bu enwuru-oku ono;
 mbu onye a gbaru meru; gbaa ya insensu
 yeru ntu,
 eshi kwekwekwe,
 ndu agba ngho ere.

⁷ Lenu-o! O kwa iphe Sólomõnu ze;
 b'a pa ege ono abya!
 Ndu tso iya nu du ukporo ndu soja eto,
 a gutaru l'iphe bu ndu bu
 ndu ike-ka-l'ogu le Izurelu.

⁸ Ephe l'ephe ha tukota ogu-mbeke;
 buru ndu, k'ogu doru enya.
 Ephe tukota ogu-mbeke l'ukfu;
 rukota ehu ke ukutuku,
 a-ku l'enyashi.

⁹ Eze Sólomõnu metaru
 onwiya iphe eegudeje apa eze.
 Oshi, o gude mee ya bu
 oshi, shi l'ugvu ugvu Lebanõnu.

- 10 Itso iya bu mkpõla-õcha;
 b'o gude mee ya.
 Oshi õhu iya õke
 aadakobeje adakobe;
 b'e gude mkpõla-ododo wõa.
 Oshi, aanõduje anõdu,
 nõ iya nõ b'e kwekotaru
 õkwa, eke urõbu-urõbu.
 Imime iya b'e
 geshikwaruphu õkwa,
 amakõta mma,
 bu õkwa, unwanyi
 Jerúsalemu kpashiru;
 gude koshi l'õphe yeru Sólomõnu obu.
- 11 Unu wufuta;
 unubõ unwanyi Záyõnu;
 bya achia õnya l'õke eze
 Sólomõnu kpu okpu-eze iya,
 bu okpu-eze ono, nne iya kpuberu iya
 mbõku ono, õ luru nwanyì,
 bu mbõku ono, õhu tsõru iya õtu ono!

4

Kõ nwoke asu:

- 1 I du ugву nggube nwanyì mbeke!
 Owa iphe ìima amama!
 Ònya ngu, i gude ulari-ifu kpuchia;
 dulephu l'õ bu kõ ndo.
 Egbushi ngu dulephu l'õ bu eji egу, dze-
 beru;
 shi l'eli ugву Gíledu
 awu-zita.
- 2 Eze ngu achalephu l'õ bu ìgwè aturu,

e byishiru eji k'ophungu; saa ya asasa;
 yo shi l'ẹke a sacharu iya l'awufuta;
 chigbaaru unwu ẹbo ẹbo.
 Ẹ to nwedu m'ọo nanu, yi nkinyi iya.

³ Ẹgbo-õnu ngu tukõ nwua kfuu l'ọ bu òwúú
 uswe.

Õnu ngu ama ntumatu;
 du ugu.

Ishi-agbagba-nchi ngu,
 i gude ulari-ifu kpuchia
 dulephu l'ọ bu
 utara-okumu,
 e gbujahuru ẹbo.

⁴ Olu ngu degeru l'ọ bu ulo-eli
 Dévidi ẹke eedobeje
 ngwa-õgu.

Ọ bu l'upho-mkpuma iya b'e
 koru iphe eegudeje
 egbochita onwonye l'õgu,
 du unu ẹbo l'ukporo iri,
 bu ndu mkparawa egudeje
 iya egbochita onwephe l'õgu.

⁵ Ẹra ngu ephe ẹbo du l'ọ bu unwu umoro labu;
 mbu l'ọ bu unwu umoro, a muru ejima,
 bulephu l'ẹke okfukfulike no;
 be ephe akpaje nri.

⁶ Mu e-je anodu l'ugvu meru;
 me l'ugvu insensu;
 jeye le gberegbede;
 teke nwonyonyo ta nohedu.

⁷ I bu nwodu-geru ngube nwanyi mbeke.
 Ẹ to nwedu ẹke o phoduru ngu m'ọo nanu.

⁸ Nwamgboko mu;

tsoru mu t'ayi shi lẹ Lébanõnu lufuta;
 tsoru mu t'ayi shi lẹ Lébanõnu lufuta;
 haa õnungonu ugvu Amana;
 nggu ahaa õnungonu ugvu Seniru;
 mẹ kẹ Hemonu nyizita.
 Shi l'iduma-agu nyizita;
 nggu eshi l'ugvu eke
 oduma edomije onwiya nyizita.

- 9 I riakwaru mu obu;
 nwunne mu;
 mbu nggube nwamgboko mu.
 I gudeekwa enya,
 i leri mu ugbo lanu;
 mẹ iphe-olu ngu tota mu meji.
- 10 Lewaru iphe n-yemobu ngu
 atsọ atsotso; nwunne mu;
 mbu nggube nwamgboko mu.
 N-yemobu ngu kakwa mее otso ena.
 Ege ono be mkpo manu senti ngu
 kakotakwaphu iphe odo odo, oshi mkpo.
- 11 Nggube nwamgboko mu;
 okfu, shi ngu l'õnu atsọ ena
 l'õ bu manu-engu, shi l'ebaku-engu.
 Iphe shi ngu l'ire bu mini
 era-eswi; mее manu-engu.
 Uwe ngu eshikota
 kwekwekwe l'õ bu
 ugvu ugvu Lébanõnu.
- 12 Nwunne mu; mbu nggube nwamgboko mu;
 i dulephu l'õ bu mgbabu,
 a tu-chiru atu-chi;
 du l'õ bu nwogvu,
 a gu-chiru agu-chi;

- mbụ l'ọ bụ ọgba, a dachiru adachi.
 13 Ọ bụ ụtara-okumu,
 a mishi akpuru dụ mma bụ
 iphe jiru mgbabu ngu.
 Oshi hena; mę nadu
 jikwaruphu mgbabu ngu ejiji;
 14 mę nadu; sáfarõnu;
 kalamõsu yele sinamõnu;
 mę l'iphe bụ insensu, dụ iche iche;
 męwaru męeru; alosu;
 męwaru iphe bụ oshi,
 eegudeje eme iphe eshi mkpọ.
 15 Ị bụ ọgba-mini, nọ lę mgbabu;
 bụru wẹlu mini, anu ndzu; bụru nggele,
 shi l'ugvu ugву Lébanõnu atsõshi atsõshi.

Kę nwanyi asu:

- 16 Wata ephephe; nggube
 pherephere, shi l'uzo isheli!
 Nngu abya; nggube
 pherephere ophu shi l'uzo ophuda!
 Bya bya epheshi iphe mu
 kuru lę mgbabu mu;
 tę mkpọ iya ngashia mgboko!
 Tę nwoke ono bata lę mgbabu iya;
 bya awota akpuru iphe a kuru iya;
 ophu katsua mma; ria.

5

Kę nwoke asu:

- 1 Nwunne mu; mbụ
 nggube nwamgboko mu.
 Mu bataakwaru lę mgbabu mu.

Mu chikookwaru meeru mu;
 yele unwu oshi odo,
 eshigbaa kwekwekwe.
 Mu riakwaru ebaku-engu mu
 yele manu-engu mu;
 nguwa mee mu;
 me mini era-eswi mu.
 Ndu onya mu; unu ria;
 unu angwa
 jeye teke n-yemobu a-wata unu ome l'anya!

Kẹ nwanyi asu:

- ² Mu eku mgbenya; obu mu amuru enya.
 Ngabeduduphu!
 O kwa nwoke ono akụ ẹka l'ibo.
 Yọ sụ mu:
 “Nwanyị mbeke; nwunne mu:
 Guhaaru mu ụzo;
 guhaaru mu ụzo nggube ndo;
 nggube onye nk'iya, ẹ te nwedu ẹkworo!
 Kẹ l'ishi bukotawa iya iji.
 Egbushi, nọ iya l'ishi;
 bẹ iji enyashi dajikwaru adaji.”
- ³ Mu yefuakwaru uwe mu.
 ?Bụ tẹ mu yee ya odo ọtọ?
 Mu gudeekwa mini kwọo onwomu okpa.
 ?Bụ tẹ mu bya adzọo ya l'alị odo ọtọ?
- ⁴ Nwoke ono epyo ẹka lẹ mgbaku ibo;
 ẹhu ayeshihu mu l'ẹke o nọ.
- ⁵ Mu ezilihu tẹ mu guhaaru iya ụlo.
 Ẹka mu anguguhu lẹ manụ meeru;
 mkpushi-ẹka mu l'ọ ha amukota forifori;
 l'iphe e gude aguha ibo.
- ⁶ Mu abya aguhaaru nwoke ono ụlo;

a ma l'ẹ t'ọ nọhedu iya; l'ọ tughbuwaru.
 Atughbu iya ono emee; meji atọfu mu.
 Mu achọo ya nta;
 chọo ya imo; mu ta phụ iya.
 Mu ekua ya nta;
 kua ya imo; tọ za.

7 Ndu nche aphụa mu teke
 ẹphe tso l'ẹjẹphe ẹ mkpụkpu.
 Ẹphe egude mu;
 chia mu iphe; chifu mu ọnya;
 bya eyeta mu uwe eli-ẹhu mu;
 mbụ ndu nche ono,
 eche ọnu-ụzo mkpụkpu ono.

8 Unube ụnwanyi Jerúsalemu;
 mu kfuru unu ẹge-a:
 Teke unu phuru nwoke ono;
 ?bụ ngunu bẹ unu e-kfuru iya.
 Unu kfuru iya-a l'obu iya
 egbu mu egbugbu!

Ụnwanyi Jerúsalemu asụ:

9 Nwanyi mbeke;
 kanuru ayi ẹge a -phụ mini;
 e -me ẹkfu ngu ono gude ka ndu ọdo mma!
 ?Nanụ ẹge a -phụ mini;
 e -me ẹkfu ngu ono gude ka ndu ọdo mma
 kparu iphe iizi ayi ẹge ono?

Kẹ nwanyi asụ:

10 Nwoke ono! Oocha ụcha; nwua zii.
 E -dzua gidimu gadamu;
 b'o sefujelephu iche.
 11 Ishi iya dụ l'ọ bụ ọkpobe mkpọla-ododo;
 ẹgbushi ya atụko wuzita l'ọ bụ nza inya;

- kpee nụu l'ọ bụ ọphegu.
- 12 Ẹnya iya dụ l'ọ bụ kẹ ndo,
beru l'iku nggele,
e gude mini ẹra-eswi saa;
woru gvube l'ọ bụ ọjaja.
- 13 Ishi agbagba-nchị iya ẹphe
ẹbo dụ ùgvù l'ọ bụ igbo,
a dzashiru iphe eshi kwẹkwekwe.
Okfu, shi iya l'ọnu adu mma
l'ọ bụ okfukfulike, alashị męeru mini.
- 14 Oshi-ẹka iya dụ l'ọ bụ
mgboro mkpọla-ododo,
e gude kirisòlàyitù mee.
Ehu iya kwọru burukutu
l'ọ bụ ọdu-enyi, e fucharu efucha;
bya egude sáfàyà memaa ya emema.
- 15 Okpa iya kfulu kẹ
gborokoto l'ọ bụ itso,
e gude mkpuma ẹgiri mee;
ọphu a tọ-koberu lẹ ntọ-l'alị, bụ mkpọla-
ododo b'e gude tọo ya.
L'ugbugba ẹhu iya b'ọ kfulu gbororo l'ọ bụ
oshi sida ugvu ugvu Lébanọnu.
- 16 Olu okfu iya atsoje l'ọ bụ manụ-ẹngu.
Ọ bụlephu l'ọ ma mma l'amashi iya ike.
Unube unwanyi Jerúsalemu;
onye ono bụ onye nọ mu l'obu;
buru ọnya mu.

6

Unwanyi Jerúsalemu asụ:

- ¹ Nwanyi mbeke;

?Bu awe be 'a -phụ-mini;
 'e -me ẹkfu ngu jeru;
 ?Bu awe b'o cheberu ifu;
 k'ọphu ayi achọ-ede ngu iya?

Kẹ nwanyi asu:

- ² Nwoke ono jeru lẹ mgbabu iya;
 mbụ l'ẹke ọ dzashiru iphe eshi mkpọ.
 O jeru oche aturu iya lẹ mgbabu ono;
 ẹge oomekokwaphu okfukfulike.
- ³ Mu bụ kẹ nwoke ono;
 nwoke ono aburu nke mu.
 Oochekwa aturu iya l'ẹke okfukfulike nọ.

Kẹ nwoke asu:

- ⁴ Nwanyi mbeke; ìima mma l'ọ bụ mkpukpu
 Tíza;
 dụ ùgvù l'ọ bụ Jerúsalemu.
 Ìidzo girimu gadamu l'ọ bụ
 ndu soja, pa ẹkwa-ọgu ẹphe.
- ⁵ Wofu ẹnya ngu l'ẹke mu nọ;
 kẹ l'ọolo mu ẹka lẹ meji.
 Ẹgbushi ngu dulephu l'ọ bụ ẹji eghu, dze-
 beru;
 shi l'eli ugvu Gíledu
 awụ-zita.
- ⁶ Eze achalẹ ngu phụ
 pemu-pemu l'ọ bụ ikpoto aturu,
 shi l'ẹke a ghuru iya ẹhu wufuta.
 Ẹphe l'ẹphe ha achigbaa unwu ẹbo ẹbo;
 to nwe ẹphe m'ọo nanu, gba ẹka.
- ⁷ Ishi agbagba nchị ngu,
 i gude ulari-ifu kpuchia
 dulephu l'ọ bụ

- ̀tara-okumu, e gbujahuru ẹbo.
 8 Unyomu eze a-dụkwaru ụkporo ẹto;
 nnufu iya phẹ adụ ụkporo ẹno;
 ndu k'ụnwu-mgbọko aburu 'aguta aguta.
- 9 Obenu l'ọ bụ nggube nwa ndo mu;
 bụ onye dụ-geru nụ.
 Ị dụ iche; bụru onye t̄baru nne iya l'ẹnya;
 b̄ru onye ẹ-te nwedu
 ẹkworo l'ẹnya nne iya;
 Ụnwu-mgbọko phuru iya;
 kua ya onye a ḡru ọnu-oma.
 Unyomu eze; m̄ ndu ọphu
 b̄ nnufu iya phẹ aphua ya; jaa ya ajaja.
- 10 ?Bu onye, b̄ onye ono,
 d̄ l'ọ b̄ iphoro
 nchi-abọhu ono?
 ?B̄ onye egbu
 pemu-pemu l'ọ b̄ ọnwa;
 chaa too l'ọ b̄ ẹnyanwu;
 mb̄ d̄ biribiri l'ọ b̄ ndu
 soja, ch̄ ẹkwa-ọhubama?
- 11 Mu jeru lẹ mgbabu,
 a dzash̄ru oshi, amije
 akpuru t̄ mu gbaphee iphe
 efushitsua k'ophungu;
 t̄ mu maru m̄ oshi vaȳnu;
 ?o meshiwaru mgb̄rigba;
 makwaruphu m̄
 ̀tara-okumu; ?otsuwa igu.
- 12 T̄ mu kwaa maru;
 b̄ mu gbe n̄duwanu l'ugbo-inya ono,
 ndibe mu gudeje dulataru
 mu nwamgbọko mu ono.

Ndu õnya

- 13 Latanụ azụ! Latanụ azụ;
 nggụbe nwanyi Shulemu!
 Latanụ azụ! Latanụ azụ t'ayi chĩa ngu ẹnya!
 ?Bụ ngunu meru iphe unu
 a-nọdu ele nwanyi Shulemu kpakpakpa;
 l'ọ bụ onye, ele ẹke ndu
 Mahanemu ete egvu?

7

- 1 Nggụbe ada-eze;
 iphe akpọkpa, i yeru l'ọkpa kwekwanuru
 ngu.
 Ụtakfu ngu dulephu l'ọ bụ
 mgbubu, onye maru ome nka meru.
- 2 Mkpotubo ngu gbaleruphu
 nwamgburumgburu l'ọ bụ ọba,
 mee vayinu ẹ-ta agvujedu agvugvu.
 Ẹpho ngu adụ l'ọ bụ igberi, a kuberu akube;
 gude okfukfulike dophee
 ya mgburumgburu.
- 3 Ẹra ngu dụ l'ọ bụ unwu umoro labụ;
 mbụ l'ọ bụ unwu umoro,
 a mụru ejima.
- 4 Olu ngu dụ l'ọ bụ ọlo-eli,
 e gude ọdu-enyi kpụa.
 Ẹnya ngu ẹphe ẹbo l'egbu pamupamu
 l'ọ bụ ẹnyimu-mini ndu Hẹshibonu;
 mbụ onanu, nonyabe onu-uzo Baturabimu.
 Ọkpu-imi ngu degeru edegeru l'ọ bụ ọlo-eli
 Lébanonu,
 bụ ọphu gharu ifu lẹ Damásukọsu.

- 5 Ishi ngu meru ngu; nggu ama l'ọ bụ ugву
Kamẹlu.
Egbushi, nọ ngu l'ishi eke ọrobu-ọrobu.
Ọ kpoşhiru eze iphe ooje;
l'ẹke ọ nọ l'ele ẹge e shiru kee ya.
- 6 I malephu mma; nggube nwanyi mbeke;
umere ngu akarụ mma!
- 7 L'ugbugba ngu b'i gvuru l'ọ bụ agbaragba;
era ngu adugbaa l'ọ bụ ofoko njikpa.
- 8 Mu asu: "Lẹ mu e-nyi agbaragba ono;
je enwota iya ẹkfu."
T'era ngu dukwa mu l'ọ bụ ofoko vayinu;
ume, iitu eshije mu
kwekwewe l'ọ bụ nkfu-ali;
- 9 ọnu, iitsuta mu atsoje mu l'ọ
bụ mẹ, a kụ-gheru akụ-ghe.

Kẹ nwanyi asu:

- T'ọ bukwaru onye ono,
mu yeru obu ono angụ mẹ ono;
k'ọphu oo-shi iya l'ugbonu;
shi iya l'eze l'atsọ geregere!
- 10 Mu bụ kẹ onye ono,
mu yeru obu ono;
l'agukwa iya phụ agugu.
- 11 Bya; nggube 'a -phụ-mini;
'e -me-ẹkfu mu; t'ayi je l'egu;
je aradu aradu l'ime mkpukpu!
- 12 T'ayi nmaa ẹwa jeodu lẹ mgbo vayinu
je amaru mẹ oshi vayinu;
o ruwaru iru;
t'ayi maru mẹ igu iya;
?ọ sakahwaru.

Mekwaphu t'ayi maru me oshi
 utara-okumu; ?otsuwa igu nk'iya.
 O bu l'eke ono;
 be mu e-koshi ngu le mu yeru ngu obu.

- 13 Oshi mandureku eshikwa mkpõ.
 Mu doberu akpuru oshi,
 du iche iche l'onu-ulo ayi.
 Mu doberu ngu k'ophungu;
 doberu ngu akahu iya
 l'asa iya l'asa iya;
 nggube 'a -phu-mini;
 'e -me-ekfu mu.

8

- 1 O du mu t'a su l'i bu nwanne mu nwoke;
 ngua nne mu era;
 me mu etsutaje ngu onu;
 me ayi phu l'esu-uzo;
 to nwe onye a-su mu su.
- 2 Mu e-duta ngu dubata l'ulo nne mu,
 bu iya bu onye ziru mu iphe;
 chebe ngu akuru-aku mee,
 mu kutaru l'oshi
 utara-okumu mu.
- 3 O du mu t'a su l'o cheberu
 mu eka-ibyita iya l'ishi;
 gude eka-utara iya rukota mu.
- 4 Unube unwanyi Jerúsalemu;
 unu kwee mu ukwa
 l'unu ta akpatsudu
 n-yemobu rua teke o-bya l'onwiya.

Ndiphe asu:

- 5 ?Bu onye bu onye ono,

dakoberu a -phụ mini;
 e -me ẹkfu iya;
 shi l'echi-ẹgu abya ẹge ono?

Kẹ nwanyi asụ:

Ọ kwa ẹ mkpuli ụdara b'ị zẹ;
 mu abya akpalia ngu.

Ọ bụ l'ẹke ono; bẹ nne ngu tsutaru ime ngu;
 bụru l'ẹke ono; bẹ ime taru iya; yọ mụa ngu.

- ⁶ Mee mu iphe-ọhubama dobe onwongu l'obu;
 bụru echi-ọhubama,
 iigba l'ẹka;
 kele n-yemobu shihukwaru ike l'ọ bụ
 anwụhu.
 Okopho iya aburu 'arọ-butа arọ-butа l'ọbu
 ili.
 Oonwuje l'ọ bụ ovovo-ọku;
 mbụ l'ọ bụ oke ire-ọku.

- ⁷ Ọchi-ọku mini ta
 azụ-nyighekwa n-yemobu;
 ọphu ẹnйimu e-kpotaghekwa iya.
 Ọ -bụru ẹ madzụ gude iphe bụ iphe o nweru
 tẹ ya zuta n-yemobu;
 bụkwa ewena bẹ oo-metaru onwiya.

Unwunne kẹ nwanyi asụ:

- ⁸ Ayi nwekwaru nwunne
 nwanyi, ẹra ta nọkpoduanu l'ọkpoma.
 ?Bụ ngunu bẹ ayi e-meru nwunne ayi ono
 mbọku, nwoke a-ji aji iya?
- ⁹ Ndẹge ọ bụ oshi-ẹpoto;
 mẹ ayi akwaa ya
 mkpọla-ọcha nkwatankwa l'ẹhu.
 Ndẹge ọ bụ ibo; mẹ ayi

egude oshi sida kù-chia ya.

Kẹ nwanyi asu:

- 10 Mu shihuru ike l'ọ bụ
 ụpho-mkpuma.
 Ẹra mu vudokwa
 gamugamu l'ọ bụ ụlo-eli.
 Onye ono makwarua
 ị mu -nonyabe iya;
 bẹ ẹhu a-dụ iya agu.
- 11 Sólomõnu nweru mgbo
 vayinu ị Bálụ Hamõnu;
 bya eworu iya ono ye
 ndu a-nọdu akfụ iya ụgwọ l'ẹka.
 Iphe ndu ono e-wotajeru iya
 l'onye l'onye l'ọzori
 akpuru vayinu ono
 bụ ẹkpa mkpọla-ọcha iri iri.
- 12 Obenu ị mgbo vayinu nke
 mu bụ mbẹdua nwe iya.
 Yọ buru ẹge dụ mu mma;
 bẹ mu a-nọdu eme iya.
 Ẹkpa mkpọla-ọcha iri l'iphe
 e retaru ị vayinu;
 bụ nggube Sólomõnu
 e-nweru iya.
 Ẹkpa mkpọla-ọcha labu
 aburu ị ndu eletaje akpuru vayinu ono
 ẹnya.

Kẹ nwoke asu:

- 13 Nggube onye ọphu, bu ị mgbabu ono;
 ọnya mu phẹ ngabekwaru ngu nchị
 t'ẹphe nua olu ngu.

Tẹ mu nuedukwa olu ngu!

Kẹ nwanyi asu:

¹⁴ Nggube; 'a -phụ mini;
'e -me ẹkfu mu;
kfukwaa sangụ-sangụ
byakfuta mu ẹge ono,
umoro; mẹ nwele akfuje
l'ugvu, a kushiru iphe eshi mkpọ ono!

Bayiburu Ikwo
Ikwo: Bayiburu Ikwo Bible

copyright © 2014 Wycliffe Bible Translators, Inc.

Language: (Ikwo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

3867ef4e-3384-5ab4-a937-63476bb8a7bb